



Mette Arqe-Hammeken, Naleraq
inatsisartut@inatsisartut.gl
Inatsisartunut ilaasortaq

**Ittoqqortoormiini siunissami umiarsualiviliorsinnaaneq pillugu § 37 2026-094
naapertorlugu apeqquteqaammut akissut**

Dato: 18-06-2026
Sagsnr.: 2026 - 10217
AKT. ID.:26518654

Asasara Mette Arqe-Hammeken

Inatsisartut suleriaasianni § 37 naapertorlugu Ittoqqortoormiini siunissami umiarsualiviliorsinnaaneq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Ittoqqortoormiuni umiarsualivissamut sanaartornissamut taamaallaat
misissuinnarnermi akia tamaat paasineqarsinnaava qulakkeerlunilu?**

Akissut: Ittoqqortoormiini umiarsualivimmik sananissamik misissuinnarluni sanaartornermut akiususaaq tamakkiisoq aalajangersarneqarsinnaanngilaq qulakkeerneqarsinnaananilu. Misissuinnermi suliassamut tunngavissaaq uppersarneqarsinnaavoq nalornissutillu annikillisinneqarsinnaallutik. Aatsaat pilersaarusiornermut, neqerooruteqartitsinermut atsiornermullu atatillugu akiugallartusaaq qularnaannerusumik missiliorneqarsinnaavoq. Aki inaarutaasooq tamakkiisorlu aatsaat sanaartugaq naammassippat atorineqalerpallu, kiisalu suliaq pillugu suliat tamarmik naammassippata ilisimaneqalersinnaavoq.

**Apeqqut 1a: Imaluunniit aatsaat pilersaarusiornermi (projektringeqarnermigut) akia
tamakkiisoq paasineqassava?**

Akissut: Apeqqut 1-imut akissut takuuk.

**Apeqqut 2: Naalakkersuisut pilersaaruteqarpat aningaasanut inatsisissamut
tullermut atatillugu umiarsualivissamut/tulattarfissamut aningaasaliissutissanik
immikkoortitsinissaminnut?**

Akissut: Naalakkersuisut attaveqaasersuutitut atortunik pisariaqartinneqartunik ingerlaavartumik naliliisarput. Ittoqqortoormiini umiarsualivimmut terminalimulluunniit aningaasaliissutissat aningaasanut inatsisissap Inatsisartunut isumaqatiginninniutigineqarneranni tulliuuttumi tulleriaakkanut ilanngunneqarsinnaapput.

Apeqquut 3: Naalakkersuisut akuersaarpaat Ittoqqortoormiini umiarsualivimmik/tulattarfimmik amigaateqarneq inuussutissarsiornermut, pilersuineranut aammalu isumannaallisaaneranut killiffik?

Akissut: Maanna Ittoqqortoormiini umiarsualiveqarnikkut pissusiusut illoqarfimmi inuussutissarsiuutinik ineriartortitsineranut, pilersuinermit isumannaassutsimut ingerlasussanillu pilersaarusiomeranut aqqissuussinermullu sunniuteqarsinnaanerit Naalakkersuisunit eqqumaffigineqarpoq. Taakku Naalakkersuisut siunissami attaveqaasersuutit pillugit aqqiissutissanik eqqortunik pisariaqartitsinermit nalilersuinerannut ilaatinneqartarput.

Apeqquut 3a: Taamaangippat suut piaarnerpaamik iliuuseriniarneqarpat?

Akissut: Ittoqqortoormiini ingerlasussanik pilersaarusiomermit aqqissuussinermilu aammalu pilersuinermit sinaakkutissanik pitsanngorsaaneq Naalakkersuisunit ingerlaavartumik sulissutigineqarpoq. Suliniuteqartoqassappat, teknikkikkut aningaasaqarnikkullu paasiniaanerit apeqquutaajumaarput.

Apeqquut 4: Naalakkersuisut qanoq qulakkiissavaat suliaq innuttaasunut Ittoqqortoormiuniittunut siviluallaamik utaqqinarsinnaasumik kinguneqaqqissanngitsaq?

Akissut: Naalakkersuisut misissuinerit, pilersaarusiomerit aalajangiinissamullu tunngavissat pisariaqartut ataqatigiissaarluarnerisigut suliap pitsaasumik siumut ingerlanissaanik qulakkeerinissaq sulissutigissavaat.

Apeqquut 5: Misissuineq naammassippat Naalakkersuisut qaqugu naatsorsuutigaat sanaartornissamut aalajangersimasumik pilersaarummik saqqummiussinissaq?

Akissut: Misissuinerit naammasseriarpata, aammalu aalajangiinissamut tunngavissat tamarmiusut piareeriarpata, suliap ingerlaqqinnissaa pillugu aalajangiisoqarsinnaanissaa Naalakkersuisut naatsorsuutigaat. Tamatuma kingorna pilersaarut inaarutaasoq paasissutissiiviusumik tunngaveqarluni saqqummiunneqarsinnaalissaaq.

Apeqquut 6: Ittoqqortoormiini mittarfittaassamut tunngatillugu atortussat taakaneereerneranni iluaqutigalugit umiarsualivissaq talittarfissaq sananeqarsinnaasuuppat taamaalilluni akikinnerulersitsillunilu pisariunnginnerulissagaluarami, isumaq taanna Naalakkersuisummita qanoq isumaqarfigivaat?

Akissut: Naalakkersuisut teknikkikkut aningaasaqarnikkullu naapertuuffiusuni attaveqaasersuutinut atortut akornanni ataqatigiissitsinissamut periarfissat isumalluarfigaat.

Umiarsualiviliornermut atatillugu mittarfiliortoqassappat, atortunik assigiinngitsunik atuisinnaanermut periarfissat nalilersuinerit ingerlaqqinnerinut ilaatinneqassapput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga


Iddimanniu Jensen Bianco